

Utbyggingsavtale

Mellom Nordhordland Maritime Næringspark AS, heretter kalla utbyggjar, og Lindås kommune, er det inngått følgjande utbyggingsavtale for Eidsnes næringsområde, gnr. 244, bnr. 27, 36, 41, 46 og del av 4, Eidsnes, *reg. plan ID - 1263 –201115*.

1. Generelt

1.1 Partar

Utbyggjar:

Nordhordland Maritime Næringspark AS
Sandviksbodene 5
5035 BERGEN

Føretaksnr. 997 377 532

Kommune:

Lindås kommune
Kvernhusmyrane 20
5914 ISDALSTØ

Føretaksnr. 935 084 733

1.2 Definisjonar

Igangsetjingsløyve – *løyve til oppstart av arbeid der ansvarsrettar er godkjente av kommunen.*

Planområde – *Reguleringsplanområdet*

Delområde – *Feltområde definert på plankart og i føresegner.*

Byggetrinn – *Oppbygging av delfelt, isolert avslutta byggefase.*

Teknisk infrastruktur – *veg, vatn og avlaup, gong/ sykkelveg, el/ tele, og liknande.*

Grøn infrastruktur – *opparbeiding i friområdet: parkar, turvegar, leikeareal mm.*

Sosial infrastruktur – *skule, barnehage, sjukeheim el. tilsvarende tenester.*

1.3 Formål

Utbyggingsavtalen skal sikra at utbygginga av området i privat regi, føregår i samsvar med kommunen sine arealplanar.

1.4 Utbyggingsområdet/ geografisk avgrensing

Avtalen omfattar følgjande område: Planområdet merka reg. plan ID – 1263 – 201115.

1.5 Forhold reguleringssituasjon/ utbyggingsavtale

Rekkjefolgekrava er ivaretaken i reguleringsføreseggnene.

- 2. Utbyggjarane sitt ansvar (teknisk- og grøn infrastruktur)**
- 2.1 Omfanget av utbygginga**
Utbyggjar er ansvarleg for komplett utbygging, med infrastruktur som veg, vatn, kloakk, straum tele etc.
- 2.2 Grunnverv**
Gjennom avtalen forpliktar utbyggjar seg til å forhandla om ein friviljug avtaleløysing om erverv av naudsynt grunn, rettar frå andre grunneigarar og rettigheitshavarar innanfor planområdet som vert berørt av utbyggjar si utbygging. Denne plikta gjeld der det er naudsynt for å gjennomføra utbygginga slik reguleringsplanen og denne avtalen legg opp til.
- 2.3 Val av entreprenør**
Utbyggjar står fritt til å velje entreprenør. Søknad om tiltak, med ansvarsrettar, vert handsama etter reglane i plan- og bygningslova.
- 2.4 Framdrift**
Utbyggjar kan ha den framdrifta han sjølv ynskjer i hht gjeldande reguleringsplan/utbyggingsavtale og reglane i plan- og bygningslova.
- 2.5 Rekkefølgjekrav**
Rekkjefølgjekrav er ivaretaken fullt ut i føresegnehøgda til planen.
- 2.6 Samferdselsanlegg og teknisk infrastruktur**
Utbyggjar skal stå for all for opparbeidning av samferdselsanlegg og teknisk infrastruktur i feltet etter tekniske planar godkjent av Teknisk drift.
For dei anlegga der det er Statens vegvesen som er vegmynde, skal det inngås ekstern skriftleg avtale med dei, for detaljert utforming og kvalitet, samt eventuell overtaking. Rekkjefølgjekrava i planen skal følgjast.
- 2.7 Vass- og avlaupsanlegg**
Utbyggjar skal stå for prosjektering og bygging av alle vass- og avlaupsanlegg fram til og innanfor planområdet, og kostnadane med dette. Vasleidningen skal overta kast av kommunen fram til og med endekum/brannventil. Nærare plassering i VA-rammeplan. Sjå pkt 6.3.
- VA rammeplan for feltet skal sendast Teknisk drift for godkjenning før, eller samstundes med, at det vert søkt om rammeløyve. Planen må innehalde korleis overvassproblematikken skal løysast. Fellesanlegg inne på dei einskilde delområde skal vere private og driftast av privat felles organisasjon. (Sjå pkt. 6.2).
- 2.8 Refusjon og tilknytingsgebyr for vatn og avlaup**
Ved tilknyting vil kommunen krevje inn offentlege gebyr i samsvar med kommunale satsar.
- 2.9 Fordelingsanlegg straum (veglys), EL, tele- og kabel-TV anlegg**
Utbyggjar er ansvarleg for at dette er på plass.

2.10 Turvegar, leikeareal, velforeining

Utbyggjar skal stå for opparbeiding av uteoppahldsareal etter gjeldande reglar og i samsvar med reguleringsplan.
Drift og vedlikehald av uteoppahldsareal og eventuelle andre fellesareal, skal driftast av vellag eller tilsvarende.

3. Kommunen sitt ansvar (teknisk- og grøn infrastruktur)

3.1 Kommunen sine rettigheitar og plikter

Kommunen leverer vatn til planområdet frå kommunalt leidningsnett. Kommunen har rett til å krevje inn gebyr etter det kommunale regelverk for alle eigedomane som vert omfatta av denne avtalen.

3.2 Vass- og avlaupsanlegg

Kommunen overtek ikkje noko av anlegga som er planlagde innanfor dei einskilde delområda. Kommunen sørger for drift og vedlikehald av vassleidning fram til endekum;brannventil i planfeltet.

4. Reforhandling av avtalen

Kvar av partane har høve til å ta opp spørsmålet om reforhandling av avtalen.
Eventuell reforhandling av avtalen skal baserast på dei reglar som til ei kvar tid gjeld.

5. Transport av avtalen

Utbyggjar kan overdra sine rettar og pliktar i medhald av utbyggingsavtalen med etterhald om at dei som overtek, aksepterer utbyggingsavtalen som grunnlag for gjenståande utvikling av området. Det er eit vilkår for ei overdraging at Lindås kommune får skriftleg stadfesting om at utbyggjar går ut av avtalen og at dei som overtek skriftleg aksepterar den. Ny utbyggjar skal godkjennast av Lindås kommune.

Dersom utbyggjar går konkurs eller vert insolvent, vert avtalen sine pliktar og rettigheitar overført til ny utbyggjar/ eigar. Ny utbyggjar skal godkjennast av Lindås kommune.

6. Diverse

6.1 Kommunal deltaking i byggemøte for sikring og kontroll

Kommunen v/ Teknisk drift skal verta kalla inn til byggemøte vedkomande bygging av kommunaltekniske anlegg mm.

6.2 Private, felles private og kommunale anlegg

Utbyggjar har informasjonsplikt ovanfor tomtekjøpar på kva som skil private, felles private og kommunale VVA – anlegg/areal.

Det må organiserast privat næringsforeining eller tilsvarende for drift og vedlikehald av felles private anlegg og areal.

6.3 Overtaking/overtakingsforretning

Tekniske anlegg skal vera i samsvar med godkjenningar og vera kvalitetssikra. Det skal liggja føra naudsynt dokumentasjon på garantiar for utførte anleggsarbeid.

Det skal førast overtakingsprotokoll før anlegga vert teken til drift og vedlikehald.

Der kommunen skal ta over tekniske anlegg som går over eigedom som ikkje vert overteke av kommunen, skal utbyggjar sikre kommunen naudsynte rettar til tilsyn og vedlikehald. Utbyggjar er ansvarleg for et erklæringa vert tinglyst som hefte på vedkommande eigedom, alt utan kostnadar for kommunen.

Kommunen tek over anlegga vederlagsfritt.

6.4 Varighet

Avtalen har same varighet som godkjent reguleringsplan.

6.5 Tinglysing

Avtalen vert utført i 3 – tre eksemplar, der kvar av partane beheld kvart sitt, og eitt er for tinglysningsmyndigheita dersom utbyggjar ynskjer tinglysing.

6.6 Tvistar

Eventuelle tvistar som måtte oppstå i samband med denne avtalen, og som ikkje har vorte løyst gjennom minnelege forhandlingar, skal kunna bringast inn for vanlege domstolar. Eigedomen sitt verneting, Nordhordland tingrett, vert avtalt som verneting.

6.7 Trer i kraft

Denne avtalen trer i kraft når den er godkjent av Lindås kommunestyre.

Isdalstø ____ - 14,

For Lindås kommune

Arne Eikefet, Einingsleiar Teknisk drift

For Nordhordland Maritime Næringspark AS

Tommy Guldbrandsøy

Vedlegg :

- plankart



Lindås Kommune
Att: Berit Karin Bruvoll
Kvernhusmyrane 20
5914 ISDALSTØ

LINDÅS KOMMUNE	
Klassering	
29. 09. 2014	
Ark. sekretær.	Lagmann:
Sekretær:	Meldingsdoktor:

Bergen, 24.09.14

Utbyggingsavtale for Eikanger og Eidsnes næringsområde

Vedlagt følger utbyggingsavtaler i signert stand.

Med vennlig hilsen

Tommy Guldbrandsøy
Nordhordland Næringspark AS
Nordhordland Maritime Næringspark AS